

آبونه اولمق ایستینلردا زده عدلیه ده
اداره مخصوصه سنه مراجعت
ایتملیدر

اعلاناک بهرندن بر مجیدیه اخذ
ایدیلور

نسخه سی ۴۰ پاره در

تجدیدیه

سنه لکی در سعادت ایچون مجیدیه
یکرمی غروش حسابیه التمش
غروشدر

طشره ایچون بوسته اجرتی اوله رق
اون بش غروش ضم اولنور

نسخه سی ۴۰ پاره در

هفته ده ایکی دفعه جمعه ابرتسی و چهارشنبه کونلری نشر اولنور . محتویاتی امور عدلیه به متعلقدر

تجدیدیه

آیدین ولایتی مرکز بدایت محکمه سی مستطقلکنه
مکتب حقوق شاهانه مأذونلرندن اسماعیل فرخ افندی
جزایر بحر سفید ولایتی استیناف محکمه سی باش
کتابته مدالی سنجانی بدایت محکمه سی باش کاتبی
محمد علی افندی

مدالی سنجانی بدایت محکمه سی باش کتابته
پیلمار قضاسی بدایت محکمه سی باش کاتبی عثمان ادیب
افندی

پیلمار قضاسی بدایت محکمه سی باش کتابته
ککبوزه قضاسی بدایت محکمه سی باش کاتب سابق وهبی
افندی تعیین اولمشلردر .

تبلیغات

جنحه دعوالرندن طولانی استینافاً ویریلان
مقررات علینده کی تمیز استدعایمه لرینه محکوم علیهم
جانبندن مقیم اولدقلری محلی محکمه سنه اعطاسیه برابر
شرائط سائر تمیزیته نک دخی اوراجه اجرایی جائز
اولوب اولدیغنک استفسارینه دائر بغداد ولایتی
استیناف مدعی عمومیلکندن وارد اولوب انجمن
عدلیه حواله قلنان ۳ تشرین اول سنه ۳۲۲ تاریخلی
شقه اوزرینه ذکر اولنان تمیز استدعایمه لرینه
حکمی ویرن محکمه نک کاتبه اعطاسی لزومی اصول
محاکات جزائی قانوننک اوچیز یکریمی اوچنجی
واوچیز یکریمی سکرنجی واوچیز یکریمی طقوزنجی
ماده لری احکام صریحه سندن اولدیغی کبی حبسی
متضمن اولان اعلاماتک شرائط تمیزیته سندن بولنان
بالکفاله نخلیه سیل معامله سندن طولانی ده محبوسیتی
حکم ایدن محکمه به مراجعت اولنق اقتضا ایده جکی
اصول مزبورک یوز اون برنجی ماده سنک جمله
مندرجاتسندن بولنش اولدیغندن بوباید صراحت
قانونیه به توفیق حرکت اولنق لازم کله جکنک جواباً

مذکور مدعی عمومیلکه تبلیغی افاده واولوجهه عدلیه
نظارت جلیله سندن محله تبلیغ ماده قلنمشدر .

محاکات و مقررات

محکمه تمیز حقوق دائره سندن تنظیم واعطا
قلنان اعلامدر :

قونیه ولایتی داخلنده بوردور قصبه سنک اوج
دییک محله سنده مقیم حاجی محمد افندی ایله قصبه
مذکور نک شیخ سنان محله سنده ساکن متوفی
حاجی عمر افندی ورثه سندن زوجه سی طوطی
وکریمه لری ذلیخا وخدیجه وکامله قادیلر ومخدومی
امین افندی بینلرنده متحدث دعوایه دائر بوردور
بدایت محکمه سندن ۱۲ تموز سنه ۳۱۷ تاریخلی
واوتوز درت عددی ایله ویریلان اعلام مومی ایله
حاجی محمد افندی طرفندن تمیز ایدلمکه اعلام مذکور
طرفینک اعتراض وجواب لایحه لرله برابر بالمطالع
تدقیقات تمیزیته اجراسنه ابتدار قلندی .

اعلام مذکورک خلاصه مالی ورثه مرقومه نک
مورثلری متوفی حاجی عمر افندینک حال حیاته
میدان قری نام محله واقع عهده تصرفنده بولنان
معلوم الحدود قرق بش دونم ترلادن معین اولان اون
دونم محلی باغ حاله افراغ ایله سعی وعملی مقابلنده
اون سهم اعتباریه شرق جهتسندن درت سهمی
مومی ایله حاجی محمد افندی به عائد اولمق وغرب
جهتسندن التی سهمی باغ اوله رق مورثلری مومی ایله
حاجی عمر افندینک کاکان عهده سنده قالمق شرطیه
بینلرنده عقد اولنان مقاوله موجبجه محل مذکور
مومی الیهک سعی وعملیه باغ شکلی آلمش ایسه ده
بروجه محرر مورثلرینه وآنک وفاتیه کندولرینه عائد
اولان التی سهمی مومی ایله حاجی محمد افندی تسلیمندن
امتاع ایلکده اولدیغندن بختله بر موجب مقاوله
مذکور التی سهمه وقوعبولان مداخله سنک منعیله
طرفلرینه تسلیمنی وسهم مذکورک درت سنه نک

حاصلاتنک بشقه جه تحصیلی طلب ودعوی ومدعی علیه
دخی کندوسی منازع فیه اراضی بی اون ایکی سنه دنبرو
مورثلرینک حضورنده تصرف ایدرک حق قراری ثابت
ودعوا ده مرور زمان اولدیغی کبی بیان وادعا اولنان مقاوله -
نک ده اصلی اولدیغی تذکار ایتلری اوزرینه محکمه جه
اولباده استماع شهود اولندقدن صکره جریان ایدن
محاکمه وتدقیقات نتیجه سنده مدعی علیه هر قدر
عقدک وقوعنی انکار ودعوا ده مرور زمان اولدیغی
مدافعه بسط وتذکار ایدیور ایسه ده اشبو اراضیدن
باغ اتخاد اولنان محاکم مدعیلرک مورثلری متوفی
حاجی عمر افندینک عهده تصرفنده اولدیغی قیود
خاقانی ایله وعقدک وقوعنی دخی استماع اولنان شهودک
شهادت واقع لرله ثابت اولمسیله مدعی علیهک مدافعه
مسروده سی شایان التفات کوریه مدیکندن ردیه
بر موجب مقاوله مدعابه ترلادن منقلب اون دونم
باغک شرق جهتسندن درت سهمنک مدعی علیه
عهده سنده ابقاسیه باقی التی سهمنه مدعی علیهک
مداخله واقع سنک منعیله ورثه مرقومه نک تصرف
ایتلرینه وحاصلات حقنده آبروجه اقامه دعوا ده
ورثه مرقومه نک مختار اولسنه حکمدن ومستدعی
تمیزک اشبو حکم علینده لایحه سنده محرر باشلوجه
اعتراضی دعوا ی واقع اراضی به متعلق اولدیغی حاله
اثنای رؤیتنده اراضی مأمورینک حاضر بولندیرلما سی
ومذکور مقاوله نک وجودی فرض اولنسه بیله عقد
مذکور شرکت ضایعندن اولدیغی جهتله محله احکامجه
عقار اوزرینه بومثللو شرکتک صحیح اولمیه جغندن
دعوانک ردی لازم کلور ایکن محکمه جه قبول واستماع
ایدلمی مخالف قانون اولدیغندن بختله اعلامک نقضی
استدعاسندن ومدعی علیهک نتیجه جوابی دخی حکم
واقع موافق قانون اولمغه تصدیق طلبندن عبارتدر .
ایجابی مذاکره اولندقدن اعلام مذکور
مطالع سندن اکلاشلدیغی اوزره مدعابه باغک یری
ارض میری اولسنه نظراً طرفین بیننده بلا اذن صاحب
ارض عقد ایدیلان مقاوله قانوناً معتبر اولدیغندن
مجموع اراضینک مدعیلرک اولدیغه ومجموع کروم

واشجارک دخی مدعی علیک اوله جغه حکم اولنق لازم کلور ایکن محکمه مذکورجه مقاوله واقعته مک معتبر عدلیه کرم واشجار اراضیک اوندالتینسک مدعی به وونده دردینک مدعی علیه عائد اولسنه حکم اولنسی مخالف قانون اولدیندن اصول محاکمه حقوقیه قانونک ایکسوز اوتوز ایکنجی وایکیوز فرق برنجی مادهلری موجبجه اعلام مذکورک تقضیه قانون مذکورک ایکسوز فرق بشنجی مادهسی حکمنه توفیقاً کیفیتک محاکمه کبریشلمکسین بروجهرحر اعلامه ربطی ضمنتده محکمه مذکوریه اعادهسنه ومستدعی تمیز حاجی محمد اقدی طرفندن اخذ ایدیلاں بیدیوز الی غروش مصارف تمیزیه نک ایلروده حقسنر حقیقه حق طرفه عائد اولسنه ۱ مارت سنه ۳۱۸ تاریخنده متفقاً قرار ویرلدی .

فیضاه بن خلیل چاوش ایله خرکله جی اطاشی قتل قصدیه جرح ایلدیکی ادا اولنسندن دولای جنایتله اتهام اولنان فرهاد بک زاده امین بکک اوج سنه برآی مدته کورکه قولنسنه دأر سیروز سنجانی بدایت محکمهسی جزا دأرهنسندن اعطا قلنان ۵۹۰ نومرولی اعلام

کسندره قضاسنک تلکیلی قریهسی اهالیسندن تیمور بن چوان ابراهیمی جرح ایلدیکی ادا اولنسندن دولای جنایتله اتهام اولنان خلیل بن تیمور اوناشینک اوج سنه مدته کورکه قولنسنه دأر درامه سنجانی بدایت محکمهسی جزا دأرهنسندن اعطا قلنان ۲۹۱ نومرولی اعلام

موسی اوغلی طوب علیک لیلأ خانهمی دیواری دله رک درونندن یاغ واشایی سائرهمی سرفت ایلدیکی ادا اولنسنندن دولای جنایتله اتهام اولنان عمر بن مصطفانک اوج سنه مدته کورکه قولنسنه دأر جبل برکت سنجانی بدایت محکمهسی جزا دأرهنسندن ویریلان ۶۰ نومرولی اعلام

یکی محله لیقو ولد نیقولینی قتل ایلدیکی ادا اولنسنندن دولای جنایتله اتهام اولنان وافیادی ولد نعموک اون بش سنه مدته کورکه قولنسنه دأر مناسر ولایتی استیناف محکمهسی جزا دأرهنسندن اعطا قلنان ۵۲۳ نومرولی اعلام

مصطفی بن رحانی قتل ایلدیکی ادا اولنسنندن دولای جنایتله اتهام اولنان قاضی اوغلی مصطفانک اون بش سنه مدته کورکه قولنسنه دأر اذمید سنجانی بدایت محکمهسی جزا دأرهنسندن ایکنجی دفعه اوله رق ویریلان ۲۱۹ نومرولی اعلام

احمد اوغلی یوسفک کیفیت قتلندن دولای جنایتله اتهام اولنان بکجی عباده اوغلی رسولک اون بش سنه کورکه قولنسنه دأر اضرروم ولایتی استیناف محکمهسی جزا دأرهنسندن ویریلان ۵۶ نومرولی اعلام محکمه تمیز جزا دأرهنسجه تصدیق قلنمشدر .

۵۷۸ نومرولی نسخهده مندرج درسعادت جنایت محکمهسی اعلامنک بقیهسی :

سلوری قیوسنده جادهده کائ بردکانه بیتوته قهوهچیک اینکده اولدینی بیان ایدن قرق یاشنده آستانهلی سلیمان بن راشد وقعه کونی اخشام اوسنی قهوه پیشورمکده ایکن طیشاروده برکورلنی ایشتمکله چیقوب باقدینسنده متهم کالک النده بیجاق بولنقده ومقتول مصطفانک اغزنندن دم جریان ایتکده اولدینی حالده طورمقده اولدقارنی ومرقوم مصطفی دونوب قاقچله النده سیاه صابی بریجاق بولندینی حالده تعقیبه باشلادینی ونهایت مصطفی بره دوشمکله مرقوم کال بردقده آرقهنسندن اوره رق فرار ایتدیکنی ودرسته کیدن کلاهی احمد کله قورشونده وار سنیده یقارم دیدیکی حالده مرقوم احمد سمع اعتباره المیوب یقالدینی استطاق دأرهنسده اخباروشهادتنک محکمه حضورنده بولنان متهم کال حقتده ایدوکنی تذکار ایلدی .

شاهد سلیمانکده ذات وشهادتنه نه دیجکی متهم کالکن صورلدقده سکوتی اختیار ایلدی .

دأره امانتندن کتوردلش اولان دملی بیجاق اولا متهمه وبعده شاهدلره لدی الارأه متهم کال مذکور بیجاق کندوسنک اولدینی وشاهدلر دخی متهم مرقومک حین وقعهده استعمال ایتدیکی بیجاق اولدینی افاده ایلدیلر .

استیضاح واقع اوزرینه طرفینک توسیع تحقیقاته متعلق بشقه مطالبی اولدینی کلاشلمغله تحقیقاتک بوندن عبارت ایدوکی بیان اولندقده معاون موسی الیه متهم کالک بالهور قایسول مصطفای جرح وقتل ایلدیکی کندوسنک دأره استطاقده کی صورت افاداتی وشاهدلرک شهاداتی ومعاینه راپوری مندرجاتی ایله ثابت اولدینندن اولوجهلریمیتک قرار آلتته آلمسنی طلب واداع وکیل مدافع مقتول مصطفانک طویل القامه وقوی البیه برشخص اولدینگ معاینه راپورنده کوسترلمسی خصوصنک واحوال موجوده نک تقدیریه موکلنک مظهر عدالت اولسنی استدعا ومتهمده دیه جکی اولدینی انبا ایلرلیه محاکمه نک ختام بولدینی

طرفینه اکادایله رق هیئت مذاکره اوله سنه چکلدی . محاکمه جاریه دن حاصل اولان واوراق تحقیقیه مطالعه سنندن اکلاشیان احواله کوره ایجاب کیفیت مذاکره اولندقده وقعه کونی اخشام اذانه قریب برزمانده بکا کال دیرلر سکا کال دیرلرسه بکاده مصطفی دیرلر دیو برکورلنی ایشتملری اوزرینه باقدقارنده متهم کالک النده سیاه صابی بریجاق بولنقده ومقتول مصطفانک اغزنندن دم جریان ایتکده اولدینی حالده قارشو قارشویه طورمقده لر ایکن مصطفی دونوب قاقچله متهم کالک مذکور بیجاقی النده اوله رق اطاله لسانه مقتول مصطفای تعقیبه باشلادینی مصطفانک یکرمی ادم قدر یورودکن صکره یوزی اوسنی بره دوشمسی اوزرینه آرقهنسده متهم مرقومک بیجاقی صاپایله رق فرار ایتدیکنی کوردکلرنی ومتهم مرقومی صوقوله یانمده قورشونده واردر سنیده یقارم دیدیکی حالده دردست ایتدیکنی حقوق عمومیه شهودی نجیب بابا ایله کلاهی احمد وسایانک حضور محکمهده مع القسم وعلی الدرجات اخبار ایتلرینه وقایسول مصطفانک اترجرحدن متأراً وفات ایلدیکی معاینه راپورنده ارأه قلنسنه وآلت قتل اولدینی جمله اخباراتندن بولنان مذکور بیجاقک وقعه کونی زردنده بولندینی ومقتول مصطفی ایله منازعه ایلدیکنی صریحاً وکیفیت جرح وقتلی مؤلاً اقرار واعتراف ایش اولدینی قرائت اولنان افاده استطاقیه سنندن منقهم واستطاقاملر مندرجاتنک قانوناً محقق عدی امر لازم اولسنه وکیفیتی ضابطه عدلیه تقریری وضطورقهسی مندرجاتی مؤید کورمنسه ومتهمک افاداتی ووکیلنک مدافعاتی بحته کلنجه متهم استطاقده قتل مرقومک کندوسنه صارقدیلق ایتدیکنی سولش ایهده محکمهده اصلا طاقلمدینی سولیدیکنه وبالفرض صارقدیلق ایتسهده محل جرمک مدافعه عرضه غالب حال ایله مضطر قیله حق برلردن اولمدقن بشقه مقتول بره دوشدکن صکرهده جرح ایتش اولدینگه وسلاحسز اولان کسنه نک قوی البیه اولدینی حالده آلت جارحینی حامل بولنان شخصه قارشو کیله جکته وقتل مرقومه آلت ضاربه بیله بولنامش ایدوکنه نظراً متهمک انکار وتأویلاتنده ووکیانک مدافعاتنده اصابت کوریه مامسنه متهم کالک ۳۲۲ سنهسی ایلولک اون ایکنجی صالی کونی سلوری قیوسنده قایسول مصطفای بالهور بیجاقله جرح وقتل ایلدیکی ثابت اولدینندن اولوجهلر مجرمیتنه وجاهاً ومتفقاً قرار ویریلرک محاکمه اوله سنه عودته قرار مذکور علناً قرائت وبیان اولندقده معاون موسی الیه مجرم کالک قانون جزانک یوزیتش دردنجی ماده سنک

فقره اولاسنه توفیقاً تحدید جزاسنی طلب واداع ومدافعه وکیلی ماده مذکورنک معین اولدینی ومتهمده دیه جکی اولدینی انبا ایلرلیه بویابده کی محاکمه نک دخی اختتامی بالا فهام تکرار مذاکره اوله سنه کیدلدی .

جهت جزائییه سیده مذاکره اولندقده مجرم کالک مرتکب اولدینی فعل وحرکت قانون جزانک یوزیتش دردنجی ماده سنک فقره اولاسنه موافق وماده مذکور [برکیسه من غیر تعمد برشخصی اتلاف ایتش ایه اون بش سنه مدته کورکه وضع اولنور] عبارهسی نالغی اولدینندن ماده مذکور حکمنه توفیقاً وابندای توفیق اولان ۳۲۴ سنهسی شعبانک طقوزنجی کونندن اعتباراً اون بش سنه مدته کورکه قولنسنه ومصارف محاکمه اولان جماعاً یوز قرق غروشکده کندوسندن بالتحصیل عدلیه وزنه سنه تسلیم ایتدیرلسنه ۳۲۲ سنه کانون اولنک یکرمی یدنجی کونی کذلک وجاهاً ومتفقاً قرار ویریلرک اصول تفهیمی ایفا قلندی .

محاکمات استینافیه

بیان قضاسی بدایت محکمهسی رئیس توفیق واعضادن مستطق نرس ومستطق معاون مصطفی افدیلرک مواد معینهده علی الدرجات سوء استعمالات ومغایر قانون حالانه جرأت ایلدکلری حلب ولایتی استیناف محکمهسی مدعی عمومیکلیله عدلیه مفتشکلندن وارد اولان اوراق تحقیقیه محتویانندن مستبان اولسنه مبنی مستطق معاون موسی الیه مصطفی اقدی حقتده توحیداً تعقیبات قانونیه اجرا اولنق اوزره رئیس واعضای موسی الیه مانک محاکمه آلتته آلتلرینه عدلیه نظارت جلیله سنندن مأذونیت ویریلرک مذکور مدعی عمومیکله تبلیغات مقتضیه اجراورئیس موسی الیه مانک کیفیت محاکمه سنندن طرف عالی مشیختیناهی بده معلومات اعطا ایدلمشدر .

اعلانات

درسعادت بدایت محکمهسی برنجی مفروق دأرهنسده : نشان طاشنده اون درت نومرولی خانهده مقیم طیب زاده لوسیه منیره خاتمک شیشلیده اون اوج نومرولی خانهده ساکن دیون عمومیه عثمانیه مفتشکلندن عزتو فوج اه افندی منصور علیه درسعادت بدایت محکمهسی برنجی حقوق دأرهنسده

جهت کفالتندن اقامه ایلدیکی اوجوز طقسان بش لیرای عثمانی آله حق دعوا سنندن طولای تنظیم قلنان ورقه دعوتیه اصولاً موسی الیه مانک اقامتکاهی اوله رق کوستریلان محل مذکور کوندرلدیکی حالده کلدانی بطریق وکیلی طرفندن موسی الیه مانک اوراده منیم ایکن سکنز آیدنبرو نه طرفه کیتدیکی مجهول اولدینی شرح وتمهیر ایدیلرک اعاده قلندینی کی دیون عمومیه عثمانیه اداره سنه کوندریلان مذکور دعوتیه ورقهسی موسی الیه مانک ۳۲۲ سنهسی اغستوسنک یکرمی ایکنجی کونندنبرو غیوبت ایدرک برماهی متجاوز مدت ظرفندهده اوراده اثبات وجود ایتامش اولنسندن ناشی معزول عد ایلدیکی بیانیله دیون عمومیه ادارهسی نظارت عمومیهسی طرفندن شرح ویریلرک کذا رد واعاده قلمش وموسی الیه مانک غائب عدی وتبلیغات مقتضیه نک اعلان صورتیه ایفاسی مدعیه طرفندن طلب اولنهرق طلب واقع اصول محاکمه حقوقیه قانوننک یکرمی اتنجی ماده سنه موافق کورلش وموجبجه دعوی مذکورنک اشبو ۳۲۳ سنهسی حزیراننک اون دردنجی پنجشنبه کونی ساعت بش راده لرنده رؤیت اوله جغه دأر یکیدن تنظیم قلنان برقطعه دعوتیه ورقهسیله اولباده کی استدعا صورتی دأره دیوانخانه سنه تعلیق ایدلش اولدینندن مدعی علیه موسی الیه فوج اه افدینک یوم ووقت مذکورده دأره مذکورده اثبات وجود ایتسی لازم کلوب ، کلدیکی وطرفندن بروکیل رسی کوندرمدیکی حالده حقتده معامله غایبه اجرا قلنجی اعلان اولنور .

محکمات اجرا دأرهنسده :

یونان دولتی تبعه سنندن یانی ولد اسپرونک تودوس ولد غاوریل ذمتده برنجی محکمه تجارت اعلامیه محکوم به اولان آله جنک تسویهسی ایچون غلطهده کآنکش قره مصطفی پاشا محله سننده مصطفی پاشا زقاغنده الی ایکی نومرو ایله مرقم شهری الی لیرا ایجار کتوریر فوقده اوج باب اوپه ومشمالات سائرهمی حازی کارگیر براب مغازدهده مدیون مرقومک متصرف اولدینی نصف حصه شایعهسی اشبو مالیس رومینک یکرمی اوجنجی چهارشنبه کونندن اعتباراً اون بش کون صکر موقع مزایده به قونیه جغندن اشتراسه طالب اولانلرک وبوندن زیاده معلومات آلتی ایتیلرک محکمه تجارت اجرا دأرهنسده مراجعت ایلری اعلان اولنور .

اسپانیادولتی تبعه سنندن بانکر موسهده طوله دونک ژان کساردی افندی ذمتده جهت کفالتندن برنجی

محکمه تجارت اعلامیه محکوم به اولان آله جنک تسویهسی ایچون قاسم پاشاده بیوک بیاله محله سننده اوزون یول دره بونی جاده سننده درت والتی نوحرولی ایله مرقم درونلرنده درت عدد طوغه حرمیه بیوک وکوکچک درت آخور وصانلق وبانچوان اوپهلرینی مشتمل معلوم الحدود ایکی بیوک ترلاده اوتوزالتشر سهم اعتباریه کفیل موسی الیه ژان کساردی افدینک مالی اولوب وفاء آخری نامنه مرهون ومفروغ بولنان برر سهم حصهسی مرتنک حق امتیازی محفوظ قالمق شرطیه اشبو مالیس رومینک یکرمی اوجنجی چهارشنبه کونندن اعتباراً اون بش کون صکره موقع مزایده به قونیه جغندن اشتراسه طالب اولانلرک وبوندن زیاده معلومات آلتی ایتیلرک محکمه تجارت اجرا دأرهنسده مراجعت ایلری اعلان اولنور .

المانیادولتی تبعه سنندن برلین شهرنده مقیم ژ قلنکمان وشراکسنک تبعه دولت علیه دن اولوب مقدما استانبوله قاطرجی اوغلی خاننده اجرای تجارت ایتکده ایکن الیوم اداره خانهسیله اقامتکلری مجهول بولنان موریس وژوزف فریدمان برادرلر علیه دن اوله رق برنجی محکمه تجارتدن استحصا ایدوب صورتی ۱۷ مارت سنه ۳۲۳ تاریخنده اعلاناً تبلیغ قلنان ۱۳ مارت سنه ۳۲۳ تاریخلی و ۲۰۴ نومرولی اعلام موجبجه یداماننده بولنان وغلطهده قاناطو خاننده محفوظ اولان برعدد بیانوی مدعی علیهما موریس وژوزف فریدمان برادرلر اشبو مالیس رومینک یکرمی اوجنجی چهارشنبه کونندن اعتباراً طقسان بر کون ظرفنده موقع اجرایه مراجعتله مدعی موسی الیه ژ قلنکمان وشراکسه ویاخود وکیلنه اعطا وتسلیم ایلری ومصارف محاکمه کی دخی تسویه ایتلری وقانوناً قبوله شایان بر دیه جکلری اولدینی تقدیرده مدت مذکور طرفنده تحریراً بیان ایلری وعکسی حالده حکم اعلامک اجراسی یعنی محفوظ بیانونک مدعی موسی الیه تسلیمی ومعامله قانونیه نک ایفاسی طبیعی اوله جنی حقتده تنظیم قلنان اشبو اخبارنامه مدعی علیه فریدمان برادرلرک محل اقامتلری مجهول بولنق ملاسهسیله اصول محاکمه حقوقیه نک یکرمی اتنجی واجرا قانوننک یکرمی طقوزنجی ماده لرینه توفیقاً مرقومان فریدمان برادرلر تبلیغ ایدلش عد اولنق اوزره محکمه تجارت اجرا دأرهمی دیوانخانه سنه تعلیق اولدینی کی غزته لره دخی اعلانه مبادرت قلندی .

در سعادت اعومات نظامه اجرا دائره سنده :

صراف علكسينك عزتو رجائي بك ذمتده محكوم به آله جنی اولان مبالغك تأمینی ایچون مومی الیهك والده سندن انتقال ایدن ایوبده جامع کیر محله سنده کائن تخمیناً الی آرشون عرصه اوزرینه مبنی وشهری ایکیوز التمش غروش ایجار کتوریر بر باب قهوه دكانك نصف حصه سی تاریخ اعلاندن اعتباراً اون بش کون صکره بالمزایده فروخته تشبث اولنه جنی در سعادت اعلا مات نظامیه اجرا دائره سندن اعلان اولنور .

بفاد تجارت محکمه سنده :

بغدادك عباس افندی محله سنده مقیم تجارندن صالح شلومو اسحاقك مبدأ عجزی بالآخره تین ایده جك حاله کوره تعیین واعلان اولنق اوزره موقتاً اعلان افلا سنده ومصالح افلا سندهك رؤیت وتسویه سی ضمنده اعضای محکمه دن کامل افندیك ژور قومیسر ودعوی وکیلرندن سلیمان فائق وداود سمره افندیك موقت سندیک تعیینلرینه ومغازه سیله اشیای زائده بیتیه سئک تمهیرینه واوراق ودفاترینك جلبنه وكفالت مصدقه اراهه ایدمه دیکی تقدیرده حبس وتوقیفنه وبوبابده کی قرارك موقتاً اجراسنه بغداد تجارت محکمه سنجه قرار ویرلش اولدیغندن قانوننامه تجارتك ۱۷۰ نجی ماده سی موجبنه دائمی سندیکلر انتخاب اولنق اوزره ۳۲۳ سنه سی مایسنك اون یدنجی پنجشنبه کونی ساعت درت راده لرنده محکمه مذ کوره نك مصالح افلا سیه رؤیتنه مخصوص اوطه سنده کلمری اعلان اولنور .

تکفور طغانی تجارت محکمه سنده :

تکفور طغانه تابع عشقار قریه سئک مانولا کی محله سنده بقال وراز دیمتری پاپا ستراتینك ۱۴ مایس سنه ۳۲۳ تاریخندن اعتباراً اعلان افلا سنده ومصالح افلا سندهك رؤیت وتسویه سی ضمنده اعضای محکمه دن محمد افندیك ژور قومیسر ودعوی وکیلرندن طوماس افندیك موقت سندیک تعیینلرینه ومقرمومك عشقار وفرهادلی وامورجه قریه لرنده کی مغازه لریله اقامتگاهنده بولنان اموال واشیای زائده بیتیه سئک تمهیرینه واوراق ودفاترینك جلبنه وبوبابده کی قرارك موقتاً اجراسنه تکفور طغانی تجارت محکمه سنجه قرار ویرلش اولدیغندن قانوننامه تجارتك ۱۷۰ نجی ماده سی موجبنه دائمی سندیکلر انتخاب اولنق اوزره ۳۲۳ سنه سی حزرانك برنجی پنجشنبه کونی ساعت

التي راده لرنده اصحاب مطلوبك محکمه مذ کوره نك مصالح افلا سیه رؤیتنه مخصوص اوطه سنده کلمری اعلان اولنور .

اطنه تجارت محکمه سنده :

آطنه ده صاح بدستاننده مانیفاطوره تجارندن قره بت نيقوليانك اعلان افلا سنده ومصالح افلا سندهك رؤیت وتسویه سی ضمنده اعضای محکمه دن محمود افندیك ژور قومیسر ودعوی وکیلرندن کریاقو افندیك موقت سندیک تعیینلرینه ومغازه سیله اشیای زائده بیتیه سئک تمهیرینه واوراق ودفاترینك جلبنه وكفالت معتبره اراهه ایدمه دیکی حالد حبس وتوقیفنه وبوبابده کی قرارك موقتاً اجراسنه آطنه تجارت محکمه سنجه قرار ویرلش اولدیغندن قانوننامه تجارتك ۱۷۰ نجی ماده سی موجبنه دائمی سندیکلر انتخاب اولنق اوزره اشبو مایسك یکر می ایکنجی صالی کونی ساعت یدی راده لرنده اصحاب مطلوبك محکمه مذ کوره نك مصالح افلا سیه رؤیتنه مخصوص اوطه سنده کلمری اعلان اولنور .

محکمه صغیر قضای بابت محکمه سی اجرا دائره سنده :

کورجی یوسف اغانك چفته الان قریه سنده مقیم احمد چوجق ذمتده ایکی قطعه اعلام موجبنه مطلوباتی اولان مع مصارف محاکمه مبالغ معلومه نك تأمین اخذواستیقاسی ضمنده مدیون مقرمومك عهدۀ تصرفنده بولنان قریه مرقومه ده کائن جانب یمینی عزیمه خانم خانسی ، جانب یساری خلیل اغانك دوه آخوری ، آرقه جهتی عزیمه خانمك خرمن یری وطریق ایله محدود خانه مع باغچه وینه قریه مرقومه ده برطرفی ادهم اغانك باغچه سی وبرطرفی احمد چوجقك انباری وخانه سی وطریق ایله محدود بر باب آخور وینه قریه مرقومه ده احمد چوجقك صمانلق وخانه سی وبرطرفی عزیمه خانمك خرمن یری وبرطرفی طریق خاص ایله محدود بر باب انبار وینه قریه مرقومه ده شرقاً عزیمه خانم خرمنی غرباً ادهم اغانك واحد چوجقك ترلاری شمالاً ادهم اغانك چایری ایله محدود چفتلك چشمه موقعنده درت دونم ترلا وینه قریه مرقومه ده شرقاً ادهم اغانك چایری غرباً چفته الان قریه سی بالطهلق اورمانی جنوباً خلیل اغانك ترلا سی شمالاً احمد چوجقك دیگر ترلا سی ایله محدود قزیلجق موقعنده اون سکنز دونم برقطعه ترلا وینه شرقاً خلیل اغانك ترلا سی غرباً قریه عائد بالطهلق اورمانی جنوباً احمد اغانك شمالاً حافظ محمد افندی ترلاری ایله

محدود کذا قزیلجق التي موقعنده اون بش دونم برقطعه چایر وینه قریه مرقومه ده قریه نك بالطهلق اورمانی غرباً طریق جنوباً کذا قریه عائد اورمانلق شمالاً صالح اغانك ترلا سی ایله محدود قشله نام موقعنده الی بش دونم وینه قریه مرقومه ده شرقاً حافظ محمد افندی ترلا سی غرباً قریه عائد بالطهلق اورمانی جنوباً حافظ محمد افندی ترلا سی شمالاً کذا بالطهلق ایله محدود اوزون چایر نام موقعنده الی بش دونم ترلا وینه قریه مرقومه ده شرقاً وغرباً وجنوباً قریه عائد بالطهلق اورمانی شمالاً خلیل اغانك ترلا سی وینه قریه مرقومه ده شرقاً کویه عائد بالطهلق اورمانی غرباً شعبان اغانك ترلا سی جنوباً قوری هایون وقریه مرقومه عائد بالطهلق اورمانی بیوک الان نام موقعنده اون بش دونم ترلا تاریخ اعلاندن اعتباراً اون بش کون صکره بالمزایده فروخته اوله جغندن طالب اولانلرک حکمجه صغیر قضای بابت محکمه سی اجرا دائره سنده مراجعت ایلری اعلان اولنور .

مناسره بابت محکمه سی اجرا دائره سنده :

مناسرتده تجار قزنداشلر میخال میچالینك رسنه لی اقیم استقونك ترکه سی ذمتده مناسرت تجارت محکمه سندن ویریلان برقطعه اعلام موجبنه آله جنی بولنان اوچ بیک کسور غروشک مع فائض ومصارف محاکمه تحصیل لازم کلوب حالبوکه متوفای مقرمومك ورته سندن مرانغوز میخالک محل اقامتی رسنده بولنه مدینگی و اخیراً صوفیه ده ما کدونیا قهوه خانه سنده کوستریله رک اوراده دخی بولنه مدینگی جهته اقامتگاهکی مجهول قالدیغندن تاریخ اعلاندن اعتباراً طقسسان بر کون ظرفنده مرقوم میچالینك دائره اجرایه مراجعتله حصه دینی تسویه ایلسی وقانوناً قبوله شایان بر دیه جکی اولدینگی تقدیرده مدت مذ کوره ظرفنده تحریراً بیان ایتمی وایتمدیکی وحصه دینی تسویه ایتمدیکی تقدیرده حکم اعلامك اجرایی ومعاملات قانونیه نك ایفاسی طبعی اوله جنی حقنده تنظیم اولتان اشبو اخبارنامه مرقوم میخالک الان محل اقامتی مجهول بولنق ملا بسه سیله اصول محاکمه حقوقیه نك یکر می التجی واجرا قانوننك یکر می طقوزنجی ماده لرینه توفیقاً کندوسنه تبلیغ ایدلمش عد اولنق اوزره مناسرت ولایتی بدایت محکمه سی اجرا دائره سی دیوانخانه سنده تعلیق اولدینگی کبی غزته ایله دخی اعلانه مبادرت قلندی .